



KEYSTONE

Emprim album da la grupp da rock rumantscha «Nau»

■ (mc) **La grupp da rock rumantscha «Nau» ha preschenta ses emprim disc cun musica da rock modern.**

La grupp consista da *Patric Capaul, Roland Vöggtli, Thierry Schenk* ed *Johi Rauber* (da san.). La musica da la band enturn il chantadur Roland Vöggtli da Scuol è ina simbiosa da rock e cultura indigena. La basa musicala da la no-

va grupp da rock rumantscha Nau è il Rock'n'Roll dals ultims 50 onns cumbinà cun mentalità grischuna, ha dit Roland Vöggtli che è sco Patrick Capaul redactor da musica tar RTR. La lingua rumantscha gioghia ina rolla centrala en lur musica. «Nus vivain mincha di questa lingua e questa cultura, chantar en in'otra lingua na fiss iden-

tic», di Vöggtli. La band exista dapì l'onni passà ed è sa preschettata per ina da las emprimas giadas a l'Open air Chapella 2010. Vöggtli è vegni enconuscent sco chantadur tar la band «AndaRoja» che ha fatg furore en l'entira Svizra e che n'exista betg pli. Inspirà è il num «Nau» dal teater da l'ovra Giacumber Nau da Leo Tuor.